

衢州文獻集成

〔史部〕

第
97
冊

衢州文獻集成

黃靈庚 諸葛慧艷

主編

〔史部〕

國家圖書館出版社

97
冊

(明)徐日久撰

五邊典則二十四卷
(卷二十一至二十四)

明刻本

第九七冊目錄

五邊典則二十四卷(卷二十一至二十四)

(明)徐日久撰
明刻本

.....

五邊典則卷之二十一

信安徐日久子卿父集

勾餘施邦曜爾諧父

全較

閩漳張燧紹和父

弘治八年四月總督兩廣右都御史閔珪奏
廣西永安州西鄉府江東西兩岸昔處山巢
獞賊久爲邊患相倣滋甚欲調兵征勦其談
勦地方周邊數百里道路錯出必布置周匝
庶克濟事見調軍兵僅足分布前項山巢其
先擬高州雲爐賊隔涉尤遠若分兵進剿恐

勢分力寡難於應援況其賊近已撫定破虜
人口陸續送還可姑俟後圖臣等酌量山巢
險易賊徒衆寡將官軍土兵分爲四哨一哨
兵萬一千六百人副總兵郭鉉副使武清將
之自理定荔浦進剿府江西岸一哨兵萬七
千二百四十四人左叅將毛倫僉事劉信將
之自平南五屯進剿西鄉一哨兵萬七千六
百五十人右叅將歐盤左叅議吳昭將之自
象州脩仁進剿陸峒一哨兵萬三百五十人

遊擊將軍王求食事王本儉指揮使謝謙將
之自平樂廣邁進剿府江東岸又調署都指
揮孫壁食事黎鼎兵七千二百自賀縣進備
賊東道合王衣夾攻寇期齊抵山巢按圖撲
勦臣等就近往來總理其事巡按御史樊廷
選照例糾舉右布政黎福叅政徐鏞副使向
榮僉事陳炷指揮楊觀軍前措置軍餉閱驗
功次防截江道務將山巢首惡痛加剿滅以
靖邊方事下兵部覆奏從之

十月占城國王古來奏累被安南侵地殺人
雖蒙

朝廷降勅諭使敦睦而陽順陰逆稔惡弗悛因
遣從子沙古詣

關請命大臣往爲講解詞甚哀下廷臣集議謂
故事無遣大臣爲外國講和者請下兩廣守
臣移文安南諭令敦睦隣好返其侵地兼諭
古來撫綏人民脩飭武備爲自立之計事定
令兩國各具實以聞議上

上意欲遣官大學士徐溥等言占城國乞差大臣往本國將安南所侵境土盡數退還各衙門兩次會議皆以爲不必請

勅續該司禮監傳示

聖意欲准差官往諭臣等仰見

皇上一視同仁之心不以夷夏而有間也但竊以事理揆之春秋傳曰王者不治夷狄盍馭夷之法與治內不同安南雖奉正朔脩職貢終是外夷負固恃險遠越侵犯之事往往有

之

累朝列聖大度兼包不以爲意若占城者尤小而疏臣等伏覩皇明祖訓有曰占城諸國來朝時內帶行商多行譎詐故沮之自洪武八年沮至洪武十二年方乃得止後於成化七年爲安南所侵累年奏訴

憲宗皇帝屢勅總督兩廣都御史爲之區處而安南上奏強辯謂已還其侵地實未嘗輸情伏罪今若降

勅遣官遠至其國徒掉口舌難施威力海島茫
茫無從勘驗彼豈能翻然改悔舉數十年之
利一旦棄之小則掩過飾非大必執迷抗令
使臣無以復命於

朝邊將無以揚威於外致虧國體貽患地方當
此之時何以爲處若置不問則損威愈多若
問罪興師則後患愈大臣等又覩

祖訓有曰四方諸夷皆限山隔海僻在一隅得
其地不足以供給得其民不足以使令若其

五通典卷二十一
自不揣量來撓我邊則彼爲不祥彼既不爲
中國患而我興兵輕伐亦不祥也吾恐後世
子孫倚中國富強貪一時戰功無故興兵致
傷人命切記不可大哉

聖言誠萬世之至論也況今國計之虛實何如
兵馬之強弱何如而欲費不貲之則涉不毛
之地爲無益之舉尤不可也且哈密爲土魯
番所奪二三十年間命官遣將隨復隨奪至
今未寧及各處土官互相仇殺亦不能槩以

王法爲斷盍夷狄相攻乃其常性今占城各
號如故朝貢如故境土侵奪有無誠僞尚未
可知情雖可矜理難盡許令有司行文諭之
足矣何必上厯

聖慮特爲遣官況

朝廷大事未有不詢於羣臣者今衆口一辭以
爲未可但其所言不過據理而利害得失之
際尚恐文移傳播外國不敢盡言臣等居密
勿之地膺腹心之託若不爲

皇上言之萬一事有乖張久莫能贖所以不避
煩瀆者實爲

皇上計爲宗社生民計非敢苟同於衆也如時
勢可爲事理無害臣等自當贊

皇上行之何敢故爲逆耳哉

上納之遂從衆議

九年閏三月時兩廣官軍征高州府雲爐大
桂苗賊多於近城村落殺良民取首級報功
巡按御史陳銓廉得其事奏謂苗賊據山爲

叛官軍不能抵巢攻敵却於遠地駐營坐視
羣盜劫掠郡縣師久無功乃搶殺良民爲首
級或賣與隨征官旗隨征者皆權貴子弟官
司因其掣肘欲爲氓滅民冤何以得伸雷州
衛指揮王戡千戶王理實縱軍士爲惡宜寘
重典左叅將姚英署都指揮孫壁號令不嚴
二司分廵分守官亦坐視民患不行禁止乞
皆治以罪下兵部會官議
上命遣科道官往閱實以聞

八月總督兩廣都御史鄧廷瓚等言廣西土
官徭徭數多流官土民數少兼各徵軍土十
以八九凡有征調全倚土兵乞令東蘭州土
官知州常祖鎡次子一人領土兵三五百人
至古田蘭麻等處撥田耕守俟克平古田因
改設長官司以授之田州土官知府岑溥方
以罪革職比來隨征有功乞復冠帶有警令
領土兵萬五千人赴梧州聽調泗城州土舍
岑接往年隨征都勻府江等處皆有功乞畧

其父祖接印侵地之過令承襲世職以圖報
効賓州人寨爲寇賊往來必由之地舊設遷
江所土官百戶八員理之後因流賊爲患改
隸思恩府已而復歸還江所分理其患仍舊
乞以屬之思恩爲宜鎮安府之歸順峒舊爲
州治洪武初裁革今其峒空岑瑛每効勞於
官乞設州治授以土官知州凡出征令備土
兵五千仍歲領土兵二千赴梧州聽調平樂
府之昭平堡界梧州平樂二府之間無徂數